

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Caput VIII.

[urn:nbn:de:hbz:466:1-64103](#)

tem à quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & Pœnis, à Jure, vel ab homine, quâvis occasione, vel causâ latis, si quibus quomodolibet innodatus existit, ad effectum præsentium tantum consequendum, harum serie absolventes, & absolutum fore censes, hujusmodi Supplicationibus inclinati; Discretioni Vestræ, attentò, quòd (sicut dictus Exponens afferit) agitur inter exemptos; per præsentes committimus, & mandamus: quatenus vel duo, vel unus vestrūm (vocatis ad id vocandis) ad executionem dictarum litterarum, & Statutorum, juxta illorum formam & tenorem (prout de Jure & Autoritate Nostrâ procedatis, procedique mandetis, & faciatis, ac etiam prædictos Fautores, & Oeconomos ad dictorum Statutorum observantiam teneri declaratis. Non obstantibus præmissis Constitutionibus, ac Ordinationibus Apostolicis, ceterisque contrariis quibuscumque. Datum Roma apud S. Mariam Majorem sub Annulo Piscatorio. X. Febr. 1588. Pontificatus Nostri anno XII.

P. Franciscus. Datarius.

In Capitulo Generali Romæ proximè celebrato sanctum fuit, prout ex Decretis Diffinitoriis Generalis Ultra-Montani apparet, quòd tenor præcedentis Constitutionis seu Mandati Apostolici in eis contenti executioni in Ultra-Montana Familia omnino mandetur.

C A P U T VIII.

Quando, quâ occasione, & quare S. FRANCISCUS instituerit Ordinem de Pœnitentia, qui est Tertius Ordo Seraphicus, etiam pro Sæcularibus, ad

Vota solemnia non obligatis apostolicè approbatus.

XXX. **A**NNO 1221. ex communiscriben-
tium calculo post absoluta Assisi
Vinea Seraphica.

Ordinis Comitia Seraphicus Patriarcha per oppida vicina ferventissimè incepit prædicare pœnitentiam, præcipue in oppido Canarii prope Umbriam in Valle Spoletana; ita ut Oppidani omnes, & ex vicinis pagis, & civitatibus turmatim ad virum Dei confluerent, ejusque Prædicationis igne accensi, nullo pavore suspensi, nullâ curâ distracti, sese novis Pœnitentia Legibus vinciri velle significarent. Beatus Legislator, ne imbecilles mulieres, & facilè periculis expositas seu consortio, seu præsidio Maritorum privaret, nec viros uxorum licitâ, & optata societate orbaret, néve loca, urbésque penitus depopulari videretur, nec hos in Religiosorum Sodalitium recipere, nec illas intrâ Sanctimonialium Claustra recludere, consultum judicavit; hinc commune utrisque Institutum præscriptis. 14to. suæ plenæ conversionis anno. Quando (ut omne genus hominum tam sacerdotalium, quam Ecclesiasticorum facillimè, & sub suavi jugo Dei, in propriis ædibus Deo inservirent) Ordinem hunc Tertium suis Statutis firmavit, legibus communivit, & propriâ Regulâ corroboravit. Cujus Regulæ inventores [ait Bernard. de Bufo p. 2. Rosar. Serm. 27. pa. 2. §. quoad primum.] non fuerunt Fratres Minores, non aliquis Episcopus, non Doctor, non Congregatio aliqua, sed Seraphicus FRANCISCUS illam Spiritu S. prædocente instituit. Vide desuper innumeros testes apud Lucam Wading. op. S. Franc. 10. 2. pa. 221. de Reg. Tert. & Nicolaum 4. in Bulla Confirm. & in ipsa Formula Profess. Leo. X. in Constit. inter cetera pro Tertiis. Clem. V. in Clementina. cum Eccl. de Sent. Excomm. ubi ait: FF. & Sorores de Pœnitentia Tertiis Ordinis, quem S. Franciscus instituit. Et Clemens VII. Constit. ad uberes fructus aperte fatetur S. FRANCISCUM esse Autorem Regulæ, quam profitentur Tertiarii. Et S. Bonav. c. 4. vita S. Franc. asserit:

E

rit;

rit : Prædicationis ipsius fervore succensi, quā plurimi utriusque sexū in conjugali pudicitia Domino famulantes, secundum formam à viro Dei acceptam novis se Pœnitentiae legibus vinciebant, quorum vivendi modum idem Christi famulus Ordinem de Pœnitentia nominari decrevit. Quamvis Regula à Nicolao IV. in Bulla : *Super montem*. aliquantulum adaucta, & primum ejus capitulum sit appositorum à Pontifice super qualitatibus Recipiendorum. à c.R. Regulæ tamen incipiunt verba Legislatoris usque ad c. 19. exceptis illis verbis in c. 16. in quibus Pontifex quasi (per parenthesin) tractat de Visitatore eligendo, ex mente propria à c. 19. autem sunt verba *Nicolai Papæ* Regulam approbantis, quæ omnia ex contextu patent. *Plura V. infra. c. 16.*

Hunc Ordinem & Regulam approbârunt *Honorius III. Gregorius IX. Innocentius IV. Alexander IV. V. VI. & VII. Clemens IV. V. VII. & VIII. Gregorius X. XI. XIII. & XV. Urbanus IV. V. & VIII. Celestinus V. Bonifacius VIII. Nicolaus IV. & V. Joannes XXII.* [qui eum à calumniis malignantium juridicè vindicavit] *Sixtus IV. & V. Martinus V. Eugenius IV. Calixtus III. Pius II. IV. & S. Pius V. Paulus III. Julius II. Leo X.* alii que permulti cum suis Constitutionibus apud *Anton. de Sillis. Bordon. Wading. Gubern. Orb. Seraph. L. 12. C. 2. Tertius Ordinis Franciscani Apostolica Confirmatio.*

Regulæ totius argumentum hoc uno comprehendit: ut ejus Professores sanctè & catholice vitam componant, Dei Præcepta observent, spiritu libus exercitiis incumbant, operibus illis Hierarchicis vacent (quibus 9. celestium spirituum ordinibus terrena inhabitatio valet assimilati) in virtutibus proficiant, & absque Regularium rigore Regularibus assimilentur. Volut enim S. Pater efferventes animos ad nimium Pœnitentiae ri-

gorem primo impetu currentes paulisper sedare, & pietatis officia cum moderatione & discretione præscribere. Hinc cum S. Patri eadem occasione occurseret *Luchesius* (Guelphæ factionis intrepidus Sectator) qui à mensibus aliquot vitam jam mutaverat in melius, & ad piam, christianâque vitam induxerat suam Confortem; erga Pauperes jam liberalis, olim avarus Mercator, erga miseros compassivus, in Xenodochiis infirmorum curam agebat, & Peregrinos hospitio excipiebat. His virtutibus aliquantulum in rebus cælestibus instruetus à S. FRANCISCO petebat amplius edoceri viam bonam, & certam, per quam cum sua Con sorte ambularet ad vitam; cui S. Pater respondit: se cogitasse de tertio Ordine instituendo, ipsis etiam Conjugatis ad Deo perfectè serviendum accommodatissimo; nec quidquam sibi videri consultius: quā si eundem assumerent. Seriò interim hac de re colloquentibus, normam vivendi, & genus indumenti pertentibus, præscripsit S. Pater vestem cinericiam, & modestam; cum cingulo nodo solo, formulâque quasdam orentenus tradidit orandi, donec Regulam certam compilaret. Mirum est, quā ingens brevi tempore *Luchesius* in virtute Profectus! tardior etiam olim ad cælestia, & altius terrenis infixa *BONA* uxor, quæ pro mulierum conditione parcior, timidè prospiciens egestati futuræ, velut altera Anna, Tobiae Marito molesta, impediebat aliquando Charitatis officia, neque Peregrinis adeo liberâliter rem familiarem volebat impendi. Verum mox grandi miraculo edocta, tota in Deum conversa certabat cum Marito de acquirenda perfectione. Præter hos Conjuges admisit ad novum Sodalitium S. FRANCIS CUS Petrum de Colle, Brunum, ac alium Martholensem, & plures vicinorum oppidorum, ac Vallis Elsæ Incolas, non longè ab

ab oppido Podii , prope ædem S. Petri ad Elsam fluvium , viros pios & devotos , ad quorum instantiam anno hoc , vel sequente 1222 . iis Regulam præscripsit , aliquantulum auctam & mutatam per Nicolaum IV . Summum Pontificem .

De mirâ & incredibili subitâ multiplicazione Tertiatorum (cùm dicto citius Italianam , Germaniam , univerlamque ferè Europam repleverint) irrefragabile testimonium dedit hostis acerrimus statim in ipso institutionis suæ primordio .

Petrus de Vineis (Friderici Cæsaris Secretarius , ideoque cum Domino suo Romani Pontificis & Ecclesiæ hostis acerrimus) Fratres Minores quasi fortissimas & insuperabiles cohortes contra schismatici Imperatoris contumaciam extremo persequens odio ; dum ex tertio [ut ajebat] Ordine per eos instituto fortiores eos fieri contemplaretur : utpote , cui Marchiones , Comites , locorum Dominos , & Nobiles quosvis , imò Reges , & Principes , cum uxoribus suis , prolibus , & populis nomen dedisse constabat ; frementi animo contra eos invehitur , inquiens : duas novas Fraternitates creaverunt , ad quas sic generaliter mares & fœminas receperunt ; ut vix unus , vel una remanserit , cuius nomen alteri non sit inscriptum . Ita Martyr . Francis . 3 . Janua . S. Ant . Pad . f . 5 . § . 5 . & S. Antoninus p . 3 . Hist . Tit . 24 . c . 1 . f . 2 . ait : fraternali dilectione devictus B. FRANCISCUS ad instar Patriarchæ Noë Arcam fabricavit , & tricameratam fecit ; id est : Religionem Fratrum , Monialium , & tertii Ordinis , ut habitantes in eâ præservaret à diluvio vitiorum , omni statui cupiens dilectione suâ providere . S. Bonav . in vita S. P. F. c . 4 . inquit : si cut in cælum tendentibus , pœnitentiæ viam , constat , omnibus esse communem ; sic & hic Status , Clericos , & Laicos , Virgines , & Conjugatas , ex sexu utroque admittens ,

quanti sit apud Deum Meriti , ex plurimis ejus Professoribus jam Sanctorum , ac Beatorum catalogo adscriptis innotescit . Unde recte Ascan . Tamb . decis . 9 . n . 10 . ait : approbavit Cætum Tertiatorum Secularium Nicolaus Papa IV . anno 1289 . 16 . Kal . Septemb . Et hoc anno necdum erat institutus Ordo Tertiatorum Regularium , qui solùm fuit institutus , & approbatus à Júlio II . & Leone X . 1521 . ob id dicti Leonissi , vel Leonissæ , ut notat Huber . in Menol . Unde longissimo hoc trecentorum annorum spatio Tertiarii Sæculares non potuerunt recipi ad Habitum à Tertiariis Regularibus . Et decis . 27 . n . 1 . ait : S. FRANCISCUS instituit Ordinem Fratrum Minorum anno 1208 . Secundum Ordinem pro mulieribus anno 1212 . Tertium Pœnitentium anno 1221 . Cujus omnes cuiuscunque qualitatis , sexus , & statu sunt capaces . Clerici , Laici , Viduæ , Conjugati , Virgines , extra Claustra degentes in propriis domibus , Ordinem hunc ingredi & profiteri possunt , Gloss . in Clement . Cùm ex eo . Et n . 3 . subiungit : Canones & DD . antiqui de Ordine ipso tertio Regulari mentionem non faciunt , sed solùm de Tertiariis in saeculo degentibus . vid . Clement . Cùm ex eo . Vitalin . Imol . & alios . Idem docet Bordon . in præf . Reg . c . 1 . n . 273 . dicens : hic Ordo à S. P. FRANCISCO institutus sine Statu Regulari , postmodum ab iisdem , ejus Alumnis , Filii fuit elevatus in Religionem circa annum 1300 . ut pluribus probat Resol . 87 .

Quamvis alii originem Tertiatorum solemniter profitentium deducant à B. Angelina de Corbara , Comitissa Civitellæ Aprutii ; quæ prima omnium dicitur solemniter professa in Conventu à se fundato 1395 . & à n . 274 . fusse probat , Fratres Regulares & Sæculares esse ejusdem Ordinis tertii S. FRANCISCI , cujus sunt veri Filii ab eo

E 2 descen-

descendentes per rectam lineam ; tum quia utriusque generis Fratres vocantur de Tertio Ordine , & de Regula B. FRANCISCI , ut videre est in Bullis Pontificis ; tum quia Professio solemnis perficit Ordinem, non destruit. Ita Bordon. in terminis, qui & ipse Tertiarius Regularis fuit. Ex quibus evidens est, tertium Ordinem à S. P. FRANCISCO pro Sæcularibus esse institutum.

C A P U T I X.

De Excellentiis , Prærogativis , & honoribus primariis tertii Seraphici Ordinis.

XXXI. Postquam Redemptor totius humani generis D. N. J. C. Mandum dedisset S. P. FRANCISCO reparandi Mundum universum, vitiis immersum, frigidum in Dei amore, & quasi immemorem beneficiorum Passionis Dominicæ , mitten- do de cælo ardente Seraphim; qui ad tantum reparationis opus accenderet cor S. FRANCISCI. Hic tertium instituit Ordinem pro personis cuiuscunque sexus, statu & conditionis. Unde in Hymno Officii S. Patris canitur : *Dum reparat virtutibus, hospes triplex hospitium, & Beatarum Menti- um, cum templum Christo consecrat.* Unde & S. Rom. Ecclesia in Coronatione Romani Pontificis intonat tres Collectas, seu Orationes : primam, de Spiritu S. (ut illuminet) secundam, de B. V. Maria (ut protegat) tertiam, de S. Patriarcha Francisco , ut (sicut reparavit Ecclesiam) eandem sustentet. Et à Seraphico Doctore S. Bonav. accepimus tres istos Ordines in triplici Ecclesiâ, per S. Franciscum divino iussu reparatâ, præfiguratos fuisse, per revelationem factam ab ipsomet D. N. J. C. in monte Alverniæ apparente, in forma volantis Seraphim, & S. Franciscum

alloquentis, ut sibi daret rem aliquam grata- & pretiosam. Super quo S. Pater omnibus mundi rebus denudatus obstupescens vidit, & in sinu suo mirabiliter invénit triplicem auream monetam, quam Domino Redemptori suo obtulit, qui easdem tanquam drachmas per hominum peccata deperditas grato vultu acceptavit dicens : scias Francisce, tres illas pretiosissimas monetas, quas dedisti mihi, esse tres Ordines, quos cum tanto zelo, & pietate instituisti ; & ego in præmium, & mercedem retribuo tibi meas sacras Plagas, & quinque Vulnera, quæ tanquam Capitaneus, & Vexillifer singularis meæ Passionis, & Crucis [quam sustuli in monte Calvariae cum acerbissimis doloribus] circumferes per te, & Fratres tuos per mun- dum universum. *S. Bonav. in vita S. P. F. Orb. Seraph. L. 12. c. 3. Ang. Anda de Lant. de tert. Ord. f. 1716.* De mirabili hac im- pressione S. Stigmatum servatur etiam publicum Officium, & Sacrificium in toto Seraphico Ordino, nec non in Ecclesia univer- sa 17. Septemb. Et videri possunt Lectiones propriæ II. Nocturni ex D. Bonav. in Leg. S. Franc. c. 23. de S. Stigmat. quæ Vulnera tam miranda, in die Exaltationis S. Crucis, valde mane summo cum doloris sensu, & magno ipsius Sancti clamore D. N. J. C. in specie Seraphim B. P. FRANCISCO appa- rens, primò manibus, secundò pedibus, tertiò lateri ipsius impressit. Desuper videri possunt monumenta Ordinis p. 2. T. 2. f. 229. Hæc S. Stigmata B. Francisci, à Pon- tificibus summè commendantur, eaque de imaginibus auferentes divinitus puniuntur, prædicantes illa non habuisse excommuni- cantur ; & nullum Beatum, vel Beatam (etiam S. Catharinam de Senis) cum Stig- matibus depingi, ad instar Stigmatum S. Fran- cisci, à Sixto IV. inhibitetur, de cuius Stigma- tibus Apostolica habentur testimonia quam- plurima